

ثابرات وِسِّ ثناین ن بُولوس اِ اِکُورِبِنشِین

اَسُدْجِم

1 بُولوس، اَمَازان ن یِشو لَمَسِیح علاَحساب رُخاضارن اَرَبِی ذِ تاوَماتِ یِموثِیو، اِ
ثَمَسْمُونت ن اَرَبِی ثَنِی اِ دِچانِ ذِی کُورِبِنشِوس اَک-ذِ مارا اِمَقْداسن اِنِی اِ دِچانِ ذِی
مارا اَخایا: تِیعَمثِ خاومِ ذِ رُهنا زِی اَرَبِی بابائِئِغ وُ زِی سِیذِی یِشو لَمَسِیح.

اَرَبِی ن مارا اَسْفُوج

3 لباراکا اَقا-ت اِ اَرَبِی، ثاباباث ن سِیذِیئِغ یِشو لَمَسِیح، ثاباباث ن اَرَحْمثِ ذِ
اَرَبِی ن مارا اَفُوج، 4 وُئِی خانغ اِئِسْفُواجنِ ذِی مارا رُحصارثِ نَغ، حِیما خَنِی نَقْد
اَذِ نَسْفُوجِ خِ اِنِی اِ دِچانِ ذِی مامَشِ ما رُحصارثِ سِ وُفُوجِ اِ زِی نَتَواَسْفُوجِ نَشِین
سِ یِخفِ نَغِ زِی اَرَبِی. 5 مِیَنزِی اَمَن اِفِیضِ ذائِغِ اَوْدَبِ ن لَمَسِیح، اَمُو اِفِیضِ عاوذِ
وُفُوجِ نَغِ سِ لَمَسِیح. 6 ماشا مارا حِصارنِ اَنَغ، اَقا مانِ اِیا اِ وُفُوجِ ذِ وُسَنجَمِ نَومِ اِنِی
اِ ذِ غا یاوینِ رَغِیدِچتِ نَسِنِ مارا کَنِیو عاوذِ ثِکَسِیمِ اَوْدَبِ اَمَشِناوِ ذِ نِکَسِی وُرا ذِ
نَشِین، نِیغِ مارا نَتَواَسْفُوجِ اَقا مانِ اِیا اِ وُفُوجِ ذِ وُسَنجَمِ نَومِ عاوذِ. 7 اَسِیثمِ نَغِ اِ کَنِیو
اِمَن، مِیَنزِی نَسِنِ، بَلِی اَمَشِناوِ ثِشارشَمِ ذِکْ وُودَبِ، اَمُو اِ غا ثِشارشَمِ ذِکْ وُفُوجِ.
8 مِیَنزِی وارِ نَخَسِ شا، اِ اَوْمائِنِ، اَذِ ثِجْهَرَمِ خِ رُحصارثِ نَغِ اِ خانغِ اِکِینِ ذِی اَسِیبا،
اَقا ثِکا خانغِ اَنکازو سَنجِ خِ تَرَمارِ نَغِ، اَرامِی عراحرِ نَقَضِعِ رایاسِ زِی تُوذارثِ نَغِ،
9 واه، نَشِینِ سِ اِخفِ نَغِ تَواغِ نَحَسَبِ بَلِی اَذِ خانغِ اِتَواَحکَمِ سِ رَمَوثِ، حِیما وارِ
نِیقِی شا ذِکْ اِخفِ نَغِ، ماشا ذِی اَرَبِی وُئِی دِ اِسَنکارانِ اِمَتِینِ. 10 نَتا اَقا اِفکْ اَنغِ
زِی رَمَوثِ ثامقرانتِ وُشا اِنفِکْ اَنغِ وُشا نَشِینِ نِیقِی ذائِسِ بَلِی اَذِ اَنغِ اِفکْ عاوذِ،
11 اِرِی کَنِیو عاوذِ اَذِ اَنغِ ثِعاونمِ سِ ثِرادِحِیثِ نَومِ، حِیما اَذِ قاذنِ اَطاسِ خِ سِیثِ نِ
مِینِ ذِ اَنغِ اِمَوشنِ زِکْ واطاسِ.

أَبْدَر ن وَسَافار ن بُولُوس

¹²مِينِزِي وا ذ أَسْمَعار نَع، شَهادت ن تَنْفَسْشَت نَع، بَلِي أَقا-نَع نوُبور ذِي دُونِيت س رَصْفائِث ذ تازُوكِشِي ن أَرَبِي، وار اِدْجِي س ثِيغَرِيت ن وِيسُوم، ماشا س تَبِعْمَت ن أَرَبِي وُشا ذ أَمزورُوكِ اِ كَنِيو. ¹³مِينِزِي وار ذ اوم نوُرِي وُرا ذ اِشْت ن ثَمسَراشْت مُغَبِر مِين تَقارم وُشا عاوِذ تَفْهَمَم، اِوا سَيِثِمِغ اَذ تَفْهَمَم اَر اَنكَارُوكِ، ¹⁴اُم مامَش عاوِذ تَسَنَم زَاينِغ دُرُوس، بَلِي أَقا-نَع ذ أَسْمَعار نَوم، اُمُو عاوِذ كَنِيو ذ أَسْمَعار نَع ذَكِّ واسَ ن سِيذِي يَشُو. ¹⁵ذِي راما-ن اِ تُوغا حَسْغ اَذ غاروم-د اسغ زِيش، حِيما اَذ غاروم ثِيَرِي اِشْت ن ثَموشِي ن تَبِعْمَت اِ ثَوارا تَضْنِيث ¹⁶وُشا تُوغا كَنِيغ اَذ عَدُوغ خ تَشْدِيث نَوم غار ماسِيذُونِيا، حِيما اَذ غاروم-د عَقْبِغ عاوِذ زِي ماسِيذُونِيا، حِيما كَنِيو اَذ ابي تَسَقَبْضَم غار ياهُودِيَا. ¹⁷ما رامِي تُوغا عَوْرَغ اَذ كَنِغ مان اَيَا، ما قَدَجَقِغ؟ نِيغ مِين خارصغ اَذ ت كَنِغ، ما خارصغ ت علاحْساب اَيُسُوم، اَحْمِي ذ 'واه-واه' اِنُو ذ 'لا-لا'؟ ¹⁸اَقَا اَرَبِي ذ اَصْدِيق اِ يَدْچا، اوار نَع اِ كَنِيو وار اِدْجِي 'واه' وُرا ذ 'لا'. ¹⁹مِينِزِي مَيَس ن اَرَبِي، يَشُو لَمَسِيح، وِتي اِ زِي اِثَوابارْح جاراوم زَاينِغ، زَايِي ذ زِي سِيلبانُوس ذ زِي ثِيْمُوشِيو، اَقَا نَتا وار اِدْجِي ذ 'واه' وُرا ذ 'لا'، ماشا 'واه' ذَايس اِ يَدْچا. ²⁰مِينِزِي مَشْحار ما ن رُوْعُوذ ن اَرَبِي اِ اِدْچان، اَقَا ذَايس اِدْچا ذ 'واه'، خ وُبِنِي زَايس عاوِذ اِدْچا ذ 'امِين' اِ وُعوذْجِي ن اَرَبِي. ²¹وِتي ذ انغ اِضْمَن اَكِيذُوم ذِي لَمَسِيح وُشا اِذْهَن اَنغ، نَتا ذ اَرَبِي، ²²وِتي اِكْتِن خانغ عاوِذ اَشْمِيع نَس وُشا اِوشا اَنغ اَرُوْح ذ رَعارُبُون ذَكِّ وُراون نَع. ²³ماشا نَش تَرَاغِيغ اَرَبِي ذ اَشْهَازْخ رَعمار اِنُو، وُبي تُوغا-بي ذ اَحْبِين خاوم، رامِي وار د وُسيغ ثاوارا تَضْنِيث غار كُورِنِيتُوس. ²⁴وار اِدْجِي حَنِي ماحنْذ اَذ نَصْلَطْخ لَإِيْمان نَوم، ماشا نَشِين ذ اِخْدَامَن اِ رَفْرَاحْت نَوم، مِينِزِي زِي لَإِيْمان تَبْدَم تَمْتَم.

2 اِدْكَا اَقَا كَنِيغ ت، اَقَا وار غاروم-د وُسيغ ثاوارا تَضْنِيث س وشْضان. ²مِينِزِي مارا زَعْما نَش سَفُوكْمِغ كَنِيو، وِي حَنِي ذ ابي اِ غا اِسْفارْحن مُغَبِر وِتي اِ ذِي كَنِيغ اَفُوكْمِغ؟ ³وُشا وُريغ اوم-د نِشان مان اَيَا، حِيما نَش، حَمِي اِ د غا باوضغ ذِين، وار تَواسَفُوكْمِغ شا زَكِّ اِنِي اِتْخَصْصا اَذ زَايسَن فارْحغ. اَقَا تَيَقَغ ذَاوِم مارا، بَلِي رَفْرَاحْت اِنُو، اَقَا-ت ذ رَفْرَاحْت نَوم مارا. ⁴مِينِزِي نَش وُريغ اوم-د ذِي رَحْصارْت تَمْغار اَطاس وُرا س وُر يارْجفن وُس واطاس ن اِمْطاون، وار اِدْجِي حِيما اَذ تَفُوكْمِغ، ماشا حِيما اَذ تَسَنَم ثَايِرِي اِ غاري اِ كَنِيو س وُفِيض.

سماحت اِ وُمدنوب

⁵ ماشا مارا ذین وِتی اِسْفُوکْمَن، نَتا وار ذ اِی اِسْفُوکْم وَاها، ماشا - زک اِج ن وُغزْدِیس ماحنذ وار ث قَارغ س جَهْد - اِ کُنِیو مارا. ⁶ شفا یاس اِ وائینا، اَقا اَزین اَمَقْران زایوم تُوغا اِوِبْخ اِث، ⁷ اَمُو خنی اِتْخَصَّ اوم رُخو اذ اس نَسامحُم وُشا اذ خاس نَفْوَجْم، جیما وار خاس یارنی وُفُوکْم اَر اَنکَاو. ⁸ خ وُینی زاوکغ کُنِیو ماحنذ اذ اس نَسَبْشَم ثایری، ⁹ مینزری عاوذ اِ مان ایا وُریغ اوم-د، جیما اذ سَنغ مامش اِ دِچا رُخاضار نوم، ما نَطْاعَم ذی مارا. ¹⁰ وِتی وُمی نَسامحُم، نش عاوذ اذ اس سامحغ. مینزری مارا تُوغا ذین خ مینخف سامحغ، مینخف وُمی سامحغ، سامحغ ث ذی طوع نوم قِیباتش اِ وُدم ن لَمْسِیح، ¹¹ جیما خنی شیطان وار ذائغ اِضْماع، مینزری وار نَجْهَر اِخارِیصن نَس.

اِمسَخارن اِ رُعاهدن جَدید

¹² خنی رامی د اِوُضغ غار نُرُوواس جیما اذ بارحغ س رُخبار اَصْبَحان ن لَمْسِیح وُشا نَنورزم اِی-د توارث ذی لَمْسِیح، ¹³ تُوغا وار اَرِیغ شا ذی اَرُوچ اِنُو، مینزری وار وُویغ شا وُما نِیئوس. ماشا مَسْبِیغ خاسن وُشا وُیورغ غار ماسِیذونِییا. ¹⁴ ماشا اَقا ذی اِ اَرِی وِتی ذ انغ-د اِتاوین اَعْلَب ذی لَمْسِیح رُبدا وُشا اِسشان زانِیغ رُفواحت ن نُموسنا زایس ذی مارا اِموشان. ¹⁵ مینزری اِ اَرِی نَدِچا ذ اِشث ن رُفواحت اِشنان ن لَمْسِیح اِ اِنِی اِعا اِتواسنِجمن وُشا اِ اِنِی اِعا اِتواهلکن، ¹⁶ اِ ذکَا ذ صاه ذ اَرِیحت ن رُموت اِ رُموت وُشا اِ ذکین ذ رُفواحت ن تُوذارث اِ تُوذارث. ماشا مان ون ذ اس اِقْدن اِ سُوچ-؟ ¹⁷ مینزری وار نَدِجی اَنشث وُبارو اِنِی اِتسَبابن س واورن اِ اَرِی، ماشا نَسبور ذی لَمْسِیح س رُصفاث اَمشناو زی اَرِی قِیباتش اِ اَرِی.

3 اما اذ نَبْذا تاوارا نَصْنِی اَذ نَسْمِغار ذک اِخف نَغ نِیغ نَحْداج، اَم شا نَصْنِی، نِیبرائین ن وُوصِی اِ کُنِیو نِیغ نِیبرائین ن وُوصِی زایوم؟ ¹ اَقا کُنِیو ذ ثابرات نَغ اِ یوران ذک وُراون نَغ، اِتواسن وُ اِتواسغان زک اِوُذان مارا، ² اَم نَمرام بلی اَقا کُنِیو ذ ثابرات ن لَمْسِیح اِ اِتواکُن زی رُخدمت نَغ، ثابرات یوران، وار ثدجی س سَمخ ماشا س اَرُوچ ن اَرِی اِدارن، وار ثدجی ذی نُرُوِجین ن وُزرو ماشا ذی نُرُوِجین ن وِیسوم ذک وُراون. ³ اَقا غازنغ تِیغث-ا ذی اَرِی زی لَمْسِیح. ⁴ وار نَزْمار س اِخف نَغ اذ نَحْسب شا ن رُحاجت اَخْمی د نوسا زانِیغ، ماشا نِیبرمار نَغ نوسی-د زی اَرِی، ⁵ وِتی د انغ یارین ذ اِمسَخارن اِ رُعاهدن جَدید، وار اِ دِجی ن رُحارف، ماشا ن اَرُوچ، مینزری رُحارف اِنَق، ماشا اَرُوچ اِسندار.

اَعُوذَجِي ن رَعَاهَدَن جَدِيد

7 وُشَا مارا ثُوغا رُخَدْمَت ن تَسَخَّارْت ن رُمُوْت اِ اِتُوأَخْبِشَن س بِيْرَا ذَكْ اِزْرَا س وَاَنْشَت وُعُوذَجِي مَاحَنْدُ نَارُوَا ن اِسْرَائِيل وَاَر زَمَّارَن اَذ سَوْضَن غَار وُذَم ن مُوسَى خ سَبِيْت ن وُعُوذَجِي ن وُغَمْبُوب نَس، وَاخَا اَعُوذَجِي نِي اِعْدُون،⁸ مَشْحَار كَثَار اِ غَا بِيْرِي تَسَخَّارْت ن اَرُوْح ذَكْ وُعُوذَجِي؟⁹ مِينِزِي مارا تَسَخَّارْت اِ اِنْدَهَن غَار لِحِيسَاب ثُوغَا-ت س وُعُوذَجِي، مَاهُو عَاذ تَسَخَّارْت اِ اِنْدَهَن غَار تَسَكَّنَا اَذ د ثَاوِي اَعُوذَجِي اَر اَفِيض.¹⁰ اَقَا مِين اِدْجَان اِتُوأَسْعُوذَجِن، وَاَر اِتُوأَسْعُوذَجِي شَا ذَكْ وُذَم ن وُعُوذَجِي- يَا اِ خَاس اِعُوذَجِن.¹¹ مِينِزِي مارا مِين اِعْدُون ثُوغَا غَارَس اَعُوذَجِي، مَاهُو مِين اِقِيْمَن اَذ غَارَس بِيْرِي وُعُوذَجِي.¹² س وُيْنِي، مارا غَارَنْغ اَسِيْشَم اَم وَاينِثَا، خَنِي نَسَاوَار س وَاطَاس ن ثُرِيَاَسْت،¹³ وَاَر نَتَكَّ شَا اَمَشْنَاو مُوسَى، وَنِي اِكْنِ لَنَام خ وُذَم نَس مَاحَنْدُ نَارُوَا ن اِسْرَائِيل وَاَر سَكَّوْضَن شَا غَار وُنْكَارَن مِين اِ غَا اِعْدُون.¹⁴ مَاشَا اِخَارِيصَن نَسَن دُورَن قَسْحَن، مِينِزِي اَر اَس-ا اِتُعِيْمَا لَنَام ذ اِجَن خ بِيْعَرِي ن رَعَاهَد اَقْدِيم تَبْرَا مَآ اَذ اِتُوأَكْس، مِينِزِي اَذ اِتُوأَقْرَع ذِي لَمَسِيْح.¹⁵ مَاشَا اَر اَس-ا، خَمِي اِ ذ غَا غَارَن زِي مُوسَى، لَنَام اَقَا-ت خ وُر نَسَن،¹⁶ مَاشَا خَمِي اِ د غَا اِدُور حَد غَار سِيْذِي، لَنَام اَذ اِتُوأَكْس.¹⁷ اَقَا سِيْذِي ذ اَرُوْح وُشَا مَانِي اِدْجَا اَرُوْح ن سِيْذِي، اَقَا ذِين بِيْرَلِي.¹⁸ وُشَا مارا نَشِين، اِنِّي س وُغَمْبُوب وَاَر اِرْحَن اَخَمِي نَحْرَار اَعُوذَجِي ن سِيْذِي اَخَمِي ذِي تَبِيْسِيْت، اَقَا تَنُوَابْدَر زَكْ وُعُوذَجِي غَار وُعُوذَجِي غَار صِيْفَت ذ اِشْتَن س اَرُوْح ن سِيْذِي.

رَكْنُوَز ذِي رَفْشُوع ن تَرَاخْت

4 اِخ وُيْنِي وُيْمِي غَارَنْغ رُخَدْمَت ن تَسَخَّارْت تَبِي اِ ذ اِنْع اِتُوأَكْن زِي اَرْحَمْت، وَاَر نَخْسَار شَا وُرَاوَن،² مَاشَا اَقَا نَنْضَار تَبِيْمَسْرَائِين اِنُوفَارَن اِسْحِشِيْمَن، وَاَر نَكُور شَا س نَحْرَايْمَشْت وُ عَاوْذ وَاَر نَنْزُور شَا اَوَارَن اَرْبِي، مَاشَا، اَم نَارَزَم تَاوَارْت ن ثِيْدَت، اَقَا نَنْوَصَا اِخْف نَغ اِقَاع تَانْفَسَشْت ن اِوْذَان زَاث اِ اَرْبِي.³ مَاشَا مارا رَخْبَار اَصْبَحَان نَغ عَاذ اِنُوفَار، اَقَا اِنُوفَار خ اِنِّي اِ غَا اِوْدَارَن،⁴ اِكَاْفَرِيوَن اِنِّي اِسْتَدَارْغَر اَسَن اَرْبِي ن بِيضَا رَعْقَر نَسَن، حِيْمَا خَنِي وَاَر خَاسَن ثَارَقْ طَبَّا ن رَخْبَار اَصْبَحَان ن وُعُوذَجِي ن لَمَسِيْح وَنِي اِدْجَان ذ صِيْفَت ن اَرْبِي.⁵ مِينِزِي وَاَر نَتَبَارَح شَا اِخْف نَغ، مَاشَا سِيْذِي يَشُو لَمَسِيْح وُ نَشِين س اِخْف نَغ ذ اِسْمَعَان نَوْم ذِي طَوْع ن يَشُو.⁶ مِينِزِي اَرْبِي ذ وَنِي اِنَان ”اَذ تَنْقَار نَفَاوْت زِي تَاَدْجَسْت“، اَقَا ذ وَنِي اِسْرُوعَان وُرَاوَن نَغ، حِيْمَا اَذ اِنْع اِسَارْغ س تَمُوسْنَا ن وُعُوذَجِي ن اَرْبِي ذَكْ وُذَم ن يَشُو لَمَسِيْح.

⁷ ماشا غارنغ ركنزا- ذِي رَقْشُوع ن ثراخت، جِيما خَنِّي اُمُوْمُو ن جَهْهذ اذ يِيري ن اَرِّي، وار اِدْجِي زايِنغ، ⁸ خَنِّي اَقَا نْتَوَايِيَار ذِي مارَا، عاذ وار نْتَوَاخْصَار شا، اَقَا- نغ ذِي رَحِيْرَا ماشا وار نارخُو شا زَكْ وُسيْم، ⁹ ذَارْسَن خانغ ماشا وار نْتَوَاچْ ذِيْنِي وِحدنغ، اَقَا نْتَوَاهْتَك ماشا وار نْتَوَاهْلَك. ¹⁰ اَقَا نارَبُو رَمُوْث ن سِيْذِي يَشُو رِبْدا ذِي اَرِيْمْت، جِيما وُرا ذ تُوذَارْت ن يَشُو اذ تُوَاَسْضَهَار ذِي اَرِيْمْت نَغ. ¹¹ مِيْنَزِي نَشِيْن، اِنِّي اِدَارَن، اَقَا نْتَوَاَسْلَم رِبْدا ا رَمُوْث ذِي طُوْع ن يَشُو، جِيما خَنِّي تُوذَارْت ن يَشُو اذ تَسْضَهَار ذَكْ وِيسُوْم نَغ اِتْمَتَان. ¹² اُمُو خَنِّي رَمُوْث نَحْلَمْ ذايِنغ، ماشا تُوذَارْتْ ذايِوم. ¹³ ماشا اَمْ غارنغ اَرُوْح ن لِايْمَان ذ اَجْ اَمْ مامَشْ ثورا ”اَقَا وُمنغ، خ وُيْنِي سَوْرغ“، اَقَا نْتامَن نَشِيْن عاوْذ، خ وُيْنِي نَسْاوار عاوْذ. ¹⁴ اَنَسَن بَلِي وِنِي ا ذ اِسْتِنْكَارَن سِيْذِي يَشُو، اذ انغ اِسْتِنْكَارْ عاوْذ اَكْ-ذ يَشُو وُشا اذ انغ اِكْتْ اَكِيْذوم زائِس. ¹⁵ مِيْنَزِي مارَا تِيْمَسْرايِن-ا تَوَاكْتْ ذِي طُوْع نُوْم، جِيما اذ ثارنِي نِيْعْمْت اِ واطاس، وُشا اذ اِدُوْر وُفِيْض ن وُفاذِي اِ وُعوْذجِي ن اَرِّي.

¹⁶ خ وُيْنِي وار نَحْسَار شا وُراون، واخا اَمْنِي بِنادَم نَغ ن بارَا اِتُوَاهْلَك، اَقَا بِنادَم ن ذاخِر اِذاكوار ذ جَذِيْذ زَكْ واسَّ غار وَنْضِي. ¹⁷ مِيْنَزِي رَحْصَارْت اِفْسُوْسَن ن وار ماش ن وابرِيو، ثنْاوِي انغ-د اِجْ ن رَقْد ن وُعوْذجِي اِ اِكْلاَعْدَن مارَا س واطاس اِ رِبْدا، ¹⁸ اَمْ وار نَحْسَبْ شا مِيْن اِتُوَاران ماشا مِيْن وار اِتُوِيرِن، مِيْنَزِي مِيْن اِتُوَاران اَقَا اِ اِسْت ن رُوْقْت واهَا، ماشا مِيْن وار اِتُوِيرِن اَقَا-ث اِ رِبْدا.

ثازدِيْغْت نَغ ذَكْ وُجِنَا

5 مِيْنَزِي نَسْن، بَلِي، خَمِي اِ غا ثُوَارْدْذْجْ وُفِيْضُون نَغ اِ ذِي نَزْدَغْ ذانِيْثا ذِي ثَمُوْرْت، اذ غارنغ يِيري اِجْ ن رِبْنِي ن اَرِّي اِ رِبْدا ذَكْ وُجِنَا، اِسْت ن نَاذَارْت وار ثنْواكْ شا س اِفاَسَن. ² خ مان اِيَا نَزْهَار، اَمْ ذايِنغ مَزْرِي جِيما اذ نْتَوَايارض س نَزْدِيْغْت نَغ ثَنِي اِدْچان زَكْ وُجِنَا. ³ ماعليْلك قاع اِ غا نِيْرِي نيارض، وار اِدْجِي ذ اِعْرِيانِن. ⁴ مِيْنَزِي وُرا ذ نَشِيْن، اِنِّي اِزْدَعْن ذَكْ وُفِيْضُون، اَقَا نَزْهَار اَحْمِي خانغ صَقْر، مِيْنَزِي وار نَحْسْ اذ نْتَوَاعارَا ماشا نَحْسْ اذ نيارض، جِيما مِيْن اِفْتان اذ اِتُوَاصارْذ زِي تُوذَارْت. ⁵ وِنِي اِ ذ انغ-د اِسْوجْدَن اِ مان اِيَا ذ نَتَا ذ اَرِّي وِنِي اِ ذ انغ اِوشِيْن اَرُوْح ذ رَعارَبُون.

⁶ خ وُيْنِي غارنغ تِيْقْت رِبْدا، واخا نَسْن خَنِّي مِيْن غا نَكْ نَزْدَغْ ذِي اَرِيْمْت، اذ نِيْرِي نَكُوْج خ سِيْذِي، ⁷ مِيْنَزِي س لِايْمَان اِ نَكُوْر، وار اِدْجِي س مِيْن اِتْبانِن. ⁸ ماشا

نَتِیقًا وُشا ذائِغ مَزْرِي، مَرِي نُوفَا، ماحنْد اَذ نَسْمَح ذِي اَرِيْمَث جِيْمَا اَذ نَزْدَغ اَك-ذ سِيْذِي. ⁹ خ وُيِّي نَتَشَطَّار ذائِغ مَزْرِي جِيْمَا اَذ اَس اَرْضَان، مَا نَدْجَا ذِي ثَادَارْث نِيْغ نَكْجُج خ ثَادَارْث. ¹⁰ مِيْنَزِي اِنْخَصَّ اَنْغ مَارًا اِذْنَع اَذ نَضْهَار زَاث اِ رُكُورِسِي ن زَعَارَش ن لَمَسِيْح، جِيْمَا كُور اِجْن اَذ اِطْف علاْحَسَاب مِيْن اِكْا رَامِي ث ثُوْغَا ذِي اَرِيْمَث، ثُشُوْنِي نِيْغ ثُوْعَفْنَا.

ثاسخارث ن وصرّاح

¹¹ اَم نَسْن خَيِّي ثِيْكُوْذِي ن سِيْذِي، اَقَا نَسْقَع اِوْذَان، مَاشَا غَار اَرِّي اَقَا نَشِيْن نَتُوَاسْن غَارَس وُشا سَبِيْمَغ اَقَا نَتُوَاسْن غَارُوم عَاوْذ ذِي ثَنَفْسَث نُوْم. ¹² وار نَتُوَصِّي شَا اِخْف نَع ثَاوَارَا نَضْبِي، مَاشَا اَذ اوم نُوْش لُفُورِصَا اِ وُسْمَعَار ذائِغ، جِيْمَا اَذ غَارُوم پِيْرِي مَامَش د غَا ثَارْم خ يِّي اِسْمَعَارَان ذِي مِيْن اِتْبَانِن، وار اِذْجِي ذِي مِيْن اِذْجَان ذَكْ وُر. ¹³ مِيْنَزِي مَارَا ثُوْغَا نَتَخْرَف اَقَا مَان اَيَا اِ اَرِّي، مَارَا ثُوْغَا-نغ س رَعْقَر اَقَا مَان اَيَا اِ كَنْبُو، ¹⁴ مِيْنَزِي ثَايْرِي ن لَمَسِيْح ثَعَارَن اَنْغ، خَنِّي نِيْبُوس-د غَار مَان اَيَا: مَارَا اِجْن اِمُوْث خ مَارًا، اَقَا مَارًا ثُمُوْث. ¹⁵ اَقَا نَتَا اِمُوْث خ مَارًا، جِيْمَا اِنِّي اِذَارِن، وار دَارِن شَا عَاذ اِ اِخْف نَسْن، مَاشَا اِ وُتِي اِمُوْثَن وُرا اِ وُتِي د اِتُوَاسْنَكَارِن اِ نِيْشِي.

¹⁶ اَمْنِي زِي سَا د ثَسَاوَنَت وار نَسِيْن شَا وُرا ذ اِجْ علاْحَسَاب اَيُسُوْم. مَارَا ثُوْغَا نَسْن لَمَسِيْح علاْحَسَاب اَيُسُوْم، رَخْدَنِّي وار اِتِيْرِي عَاذ اَمُو رُخُو. ¹⁷ خ وُيِّي مَارَا حِد ذِي لَمَسِيْح اِ اِذْجَا، اَقَا نَتَا اِتُوَاخْرَق-د جَلِيْذ، خَنِّي مِيْن اِذْجَان ذ اَقْذِيْم اِعْدُو، خَزَار، اَقَا مَارًا اِذُور ذ جَلِيْذ. ¹⁸ وُشا مَارًا مَان اَيَا يُوْسِي-د زِي اَرِّي وُتِي اِ ذ اِنغ اِسْتَصْرَح اَكِيْذَس س لَمَسِيْح وُشا اِوْش اَنْغ رُخْدَمَث ن ثَسَخَارْث ن وَصْرَاح، ¹⁹ مِيْنَزِي اَرِّي ثُوْغَا اِسْتَصْرَاح دُوْنِيْث اَك-ذ اِخْف نَس ذِي لَمَسِيْح ذِي مَانِي وار د اَسْن اِخْسِيْب شَا اِخْطَان نَسْن وُشا اِسَارَس ذائِغ اُوار ن وَصْرَاح.

²⁰ اَمُو اِ نَدْجَا ذ اِمَسْكَا ن لَمَسِيْح اَخْمِي ثُوْغَا اَرِّي اِزَاوْثْ خَانِغ س پِيْسَم ن لَمَسِيْح، رُوْحَم اَذ اِتُوَاصْرَحَم اَك-ذ اَرِّي. ²¹ وُتِي وار اِسِيْنِن شَا دَانِب، اِكْ اِث ذ دَانِب اِ نَشِيْن، جِيْمَا اَذ نَذُور ذ ثَاَسْكُذَا ن اَرِّي ذَاپَس.

6¹ اَقَّا نَشَّیْنِ، اَمْ کِیْسِ نَحْدَمْ، نَزَاوْکْ کَنْیُو جِیْمَا وَا رِ تَمْبَرَمْ شَا نِیْعَمَث نِ اَرَّبِیِّ بَاطِرْ،² مِیْنِزِی اِقَّارْ ”ذِی رُوْقْت نِ اَرْضَا سْرِیْعِ اَشْ وُشَا ذِکْ وَا سَن نِ وُسْنَجْم وُسِیْع-د مَاحْنَد اَذْ شِکْ عَاوَنْغ“، خَزَارْ، اَقَّا ذَا رُخُو ذِ رُوْقْت نِ اَرْضَا، خَزَارْ، اَقَّا ذَا رُخُو ذِ اَس نِ وُسْنَجْم.

ثامارا ذ رحساراث ا ذ اگین خ بولوس

³ وَا رِ نِیْیَشْ شَا تَاسِیْعِ عَمَّارِص مَاحْنَد اَذْ خَاَنْغِ کَسِیْنِ رَعِیْبِ، جِیْمَا وَا رِ اِتْتَوَاشَقَفْ ذِی رُخْدَمَث نِ تَسْخَارَث نَعْ،⁴ مَاشَا ذِی مَارَّا نَتْوَصَّا اِخْف نَعْ اَمَشْنَاو اِمَسْخَارَن نِ اَرَّبِیِّ: ذِکْ وَا طَّاس نِ صَبَّارِ، ذِی رَحْصَارَث، ذِی رِغْبِنِ، ذِی صَمِیْقَاث،⁵ سَاوْ وُیْیِیْشَا، ذِی رَحْبُوسَاث، ذِکْ وُغُوْغْ، ذِی ثَامَارَا، ذِی دَجِیَارِی نَبْرَا اِضْصِ، ذِکْ وُسَّان نِ وُزُومِی،⁶ ذِی رِصْفَایْث، ذِی ثُمُوسْنَا، ذِی تَاسِیْعِ نِ رَحَاضَارِ، ذِی رِضْرَاْفَث، ذِی اَرْوَحِ اِقْدَسْنِ، ذِی ثَاِیْرِی نَبْرَا نِیْفَاق،⁷ ذِکْ وَاوَار نِ ثِیْدَت، ذِی جَهْد نِ اَرَّبِیِّ، سِ رِسْنَا ح نِ تَسْکَنْدَا غَارِ وُفُوسِی ذِ وُزْرَمَاضِ،⁸ سِ وُغُوْدَجِی ذِ دَدَجِ، سِ شَنْعَث تَاعَفَّانَتِ وُ سِ شَنْعَث ثَا صَبْحَانَتِ، اَمَشْنَاو اِغْکُوَابِنِ وَاخَا اَمْنِی ذِ اِمْثِیْقِنِ اِنْدَجَا،⁹ وَا رِ نَتْوِیْسِنِ وَاخَا اَمْنِی نَتْوَا سِنِ، نَتْمَتَا وَاخَا اَمْنِی اَقَّا نَدَّارِ، نَتْوَارِبَا وُ سَقْسَا ح وَاخَا اَمْنِی وَا رِ نَتْوَا نِغْ شَا،¹⁰ نَفُوکْمْ وَاخَا اَمْنِی نَفَارْحِ، ذِ اِمْرَاضِ اِنْدَجَا وَاخَا اَمْنِی اَقَّا نَتْبَجَّارِ اَطَّاسِ نِ اِوْدَانِ، وُشَا وَا رِ غَارَنْغِ شَا وَاخَا اَمْنِی اَقَّا غَارَنْغِ کُورِشِی. ¹¹ اَقْمُوم نَعْ اِنُورْزَمِ اِ کَنْیُو، اِ اِکُورِنِیِّیْنِ، وُر نَعْ اِمْغَارِ اَطَّاسِ،¹² کَنْیُو وَا رِ نَتْوَا حِصَارَمِ زَاِیْنِغِ، مَاشَا نَتْوَا حِصَارَمِ سِ ذَاخِرِ نَوْمِ. ¹³ رُخُو اَرْم-د سِ کِیْفِکِیْفِ، اَقَّا سَاوَارْغِ اَخْمِی سَاوَارْغِ اَك-ذِ اِحْنَجِیْرِنِ، سَوَسْعَم اِخْف نَوْمِ.

وَا رِ تَمُونَم شَا ذِکْ وُزَاِیْرُو اِفَارْغِنِ اَك-ذِ لَكُوفَارِ

¹⁴ وَا رِ تَمُونَم شَا ذِکْ وُزَاِیْرُو اِفَارْغِنِ اَك-ذِ لَكُوفَارِ، مِیْنِزِی مَانِ اَشْرَاشِ اِ غَارِ ثَدْجَا غَارِ تَسْکَنْدَا اَك-ذِ مِیْنِ اِدْجَانِ صِیْدِ نِ تَاوْرَاثِ وُشَا حَتَّی مَانِ ثَا مُونَتِ اِ غَارِ ثَدْجَا اِ تَفَاوْثِ اَك-ذِ ثَا دَجِیْثِ؟ ¹⁵ مَانِ اَرْوَا سِ جَارِ لَمَسِیْحِ ذِ بِلِیْیَارِ (=شَیْطَانِ) نِیْغِ مَانِ ثَا شِغَارَثِ نِ رُمُومِنِ اَك-ذِ وُکَا فِیْوِی؟ ¹⁶ نِیْغِ مَانِ ثَا سَعُوْنَتِ اِ ذِیْنِ جَارِ ثَا دَارَثِ اِقْدَسْنِ نِ اَرَّبِیِّ ذِ لَاصْنَامِ؟ اَقَّا نَشَّیْنِ ذِ ثَا دَارَثِ اِقْدَسْنِ نِ اَرَّبِیِّ اِدَّارِنِ، اَمْ مَامَشْ اِنَّا اَرَّبِیِّ ”نَشْ اَذْ زَدْغِغِ وُشَا اَذْ وُیُورْغِ جَارِاسِنِ وُشَا اَذْ اْرِیْغِ ذِ اَرَّبِیِّ نَسْنِ، نِیْیِیْ اَذْ اِرِیْنِ ذِ اِیْدُوْذِ اِنُو.“¹⁷ خِ وُیْیِی ”فَعْم-دِ زِی رُوسْطِ نَسْنِ، بَضَامِ خَاسِنِ“، اِقَّارِ سِیْذِی وُشَا ”وَا رِ تَحَاذَامِ مِیْنِ

اِدْچان ذ اَمْنَكُوسْ، وَ "نش اَذ كَنِيو قَبْرَغ" 18 وَ نش اَذ اوم اِرِيعِ ذ باباثوم، كَنِيو اَذ اِيي تِيرِيم ذ اِحْنَجِرِن ذ يَسِّي، اِقَار سِيذِي وِتِي ذ اَمْرَمَارِخ كُورِشِي.

7 اُ اَمِيعِيَوْن، اَرَامِي غَارَنَغ زُوْعُوذ-ا، جَم اَنَغ اَذ نَسِيَزِدْكَ اِحْف نَغ زِي مَارَا رَحْمَج ن وَيَسُوم ذ اَرُوح، اَذ نَكَمَرِ ثاقَداسْت نَغ اَم نَكُورِ ذِي تِيكُوذِي ن اَرَبِي.

رَفْرَاحْت ن بُولُوس

2حَم اَنَغ اَمْشَان. اَرَا ذ اِحْ وَاَرِث نَشْمِيث، اَرَا ذ اِحْ وَاَرِث نَغْش، اَرَا ذ اِحْ وَاَرِث زَايس نَسْتَنْفِيَع اِيْزِي نَغ. 3 وَاَرِث قَارَغ حِيْمَا اَذ خَاوَم حَكْمَع، مِيْنِزِي اِزَارَغ نِيَغ، اَقَا كَنِيو ذَكْ وُر نَغ مَاحَنْد اَذ نَمْت جَمِيَع وُشَا اَذ نَدَار جَمِيَع. 4 تَيْقَتْ اِنُو ذَايَوْم تَمْغَار وُشَا اَسْمَغَار اِنُو خَاوَم اِمْغَار. اَقَا-يِي شُورَغ س وُفُوج، اَقَا رَفْرَاحْت تَفِيضْ ذَايِي ذِي كُورِشِي رَحْصَارْت نَغ.

5 مِيْنِزِي رَامِي د نُوْسَا غَار مَاسِيذُونِيَا، اَبْسُوم نَغ وَاَرِث يُوْفِي شَا اَرَاَحْت، مَاشَا تُوْغَا نَسْتَحِيْسِيْف زِي مَارَا اِغْزِيسِن، زِي بَارَا اَقَا ذَيْن اِمْشُوبْشِن، زِي ذَاخِر اَقَا ذَيْن تِيكُوذِي. 6 مَاشَا اَرَبِي، وِتِي اِسْفُواجِن خ اِمَواضَعِن، اِسْفُوج-د خَانَع س تُوْايسِيْت ن تِيئُوس، 7 وَاَرِ اِدْجِي س تُوْايسِيْت نَس وَاها، مَاشَا عَاوِذ س وُفُوج اِ زِي تُوْغَا نَتُوْاِسْفُوج زَايس اَكِيذُوم، وُْمِي ذ اِنَغ اِسَارْكَب خ مَزْرِي نُوْم ذ وَشْضَان نُوْم ذ شْضَارْت نُوْم خَافِي اَر ذ ذُورَغ اَرِينَع ذِي رَفْرَاحْت عَاذ كَنَار. 8 مِيْنِزِي، وَاخَا سْفُوكْمَع كَنِيو س ثَبْرَات اِنُو، وَاَر نَذِيْمَع شَا، وَاخَا اَمْنِي نَذْمَع. اَقَا زَرِيغ بَلِي ثَابْرَات نِي تَسْفُوكْم اِكَنِيو، مَاشَا تَعْلُدُو ذَغِيَا. 9 رَحُو فَاْرَحْغ، وَاَر اِدْجِي رَامِي نَتُوْاِسْفُوكْم، مَاشَا وُْمِي اَفُوكْم بَارَا كَنِيو غَار تُوْبْت، مِيْنِزِي تُوْوكْمَع عَلاَحْسَاب رَحْضَاْر ن اَرَبِي، حِيْمَا وُرَا ذ اِشْت ن تَحْسَارْت وَاَر كَنِيو تَرْقَف شَا زَايِنَع ذِي شَا ن تَمْسَرَاشْت. 10 مِيْنِزِي اَفُوكْم وِتِي اِدْچَان عَلاَحْسَاب رَحْضَاْر ن اَرَبِي، اِنْدَه غَار تُوْبْت اِ اِتَاوِين غَار وُسْتَجْم اِ وَاَر خ اِنْدَم شَا، مَاشَا اَفُوكْم ن دُونِيْت اِتَاوِي غَار رَمُوْت. 11 مَاشَا خَزَار، مِيْن كَنِيو اِسْفُوكْمَن ذِي طُوْع ن اَرَبِي مَشْحَار اِكَنِيو اِتْجَان ن شْضَارْت ذ وُذَاْفَع ن يِيخْف نُوْم ذ وَاِرْزَام ن وُقْمُوم ذ تِيكُوذِي ذ مَزْرِي ذ تُوْسْمِي ذ وُوبْخ! ذِي مِيْن ذِي مَآ اِنَغ-د اَقَا كَنِيو س اِحْف نُوْم ذ اِمَزْدَاكْ ذِي تَمْسَرَاشْت-ا. 12 خ وُيْنِي وَاخَا وُرِيغ اُوْم-د، وَاَر اِدْجِي خ سَبِيْت ن وِتِي اِحْطَان نِيغ خ سَبِيْت ن وِتِي وُْمِي اِ ذِي اِتُوَاكْ رَعِيْب، مَاشَا حِيْمَا اَذ خَاوَم تَبَان

شضارث نَغ نَّي غَارنَغ اِ كَنِيو زَاث اِ اَرَبِي. ¹³ خ وُيْنِي اَقَا نَتَواسَفَوَج س وُفَوَج نَوْم وُشا اَقَا نَفَارَح س وُفَيَض زِي رَفْرَاث ن ثِيئوس وُمي اَرُوَح نَس اِنَواسارِيح زايوم مارا. ¹⁴ مِينزِي مارا سَمغارغ ذايوم شوايث غارس، اَقَا وار تَواسَحشمغ شا، ماشا اَم ذ اوم نئا مارا ثِيذت اَمُو عاوذ اَسْمغارنَغ غار ثِيئوس اَقَا اَفغ-د ثِيذت. ¹⁵ اَقَا تاحونوش نَس خاوم ثَمارني اَطاس وُمي اِنْفَكَار ذِي طَاعَث نَوْم مارا، ذ مامش ث ثَقبرم س ثِيكُوذِي ذ تارَجِيحِيث. ¹⁶ فارحغ وُمي زَمارغ اذ خاوم تشرغ ذِي مِين ذِي ما.

اَسْمُونِي ن صَداقِي اِ اِمْقَداسن ذِي وُرشاليم

8 اِخْنِي، اَ اَومائِن، نَسارَكْب اِ كَنِيو نِعْمَت ن اَرَبِي اِ اِموشن اِ ثَمْسُونِي ن ذِي ماسِيدُونِيَا. ² وُمي خاسن اِكا وُقَدَجِب ن رَحْصَارث، ثَفَيَض رَفْرَاث نَسْن وُشا وُمي ذايسن زَرَض يُوَدَجغِن، يارني عاذ س واطاس اِ واكْرا ن تَشْرِيْمَت نَسْن، ³ مِينزِي شهذغ، بَلِي نِيئني طَوَعن علاَحْساب جَهْد نَسْن وُشا خْنِي سَنَج اِ جَهْد نَسْن، ⁴ وُشا زاوَكْن اَنغ س جَهْد ماحنْد اذ نَقْبَر تاشْرِيْمَت ذ تَشْرِيْمَت نَسْن ذِي رَحْمَت ن تَسْحَارث غار اِمْقَداسن. ⁵ وُشا نِيئني وار كُن مِين ثوغا نَسِيْشِم واهَا، ماشا، س ثَمخسا ن اَرَبِي، اَقَا وُشِين اِخْف نَسْن اَمْرُوَار اِ سِيذِي، خْنِي وُرا اِ نَشِين. ⁶ خ وُيْنِي نزاوَك ثِيئوس، اَمَشناو مامش ثوغا اِنْدَا قَبْر، جِيما اذ اِكْمَر غارووم تَشْرِيْمَت-ا ن صَداقِي عاوذ. ⁷ خ وُيْنِي - اَم ثَفَيَضم ذِي مارا: ذِي لايْمان، ذَك وَاوار، ذِي ثَموسنا، ذِي مارا شضارث وُ ذِي ثايرِي نَوْم اِ غَارنَغ اِ دِجان - خْنِي فَيَضم عاوذ ذِي تَشْرِيْمَت-ا ن صَداقِي نَوْم.

⁸ وار سَيَوِيغ شا اَمَشناو وِي اِتامارن، ماشا اَرزُوغ اذ قَدَجِغ ثِيذت ن ثايرِي نَوْم س شضارث ن اِنْضَنِي. ⁹ مِينزِي اَقَا تَسْنَم نِعْمَت ن سِيذِيئَنغ يَشو لَمْسِيح، بَلِي اِذور ذ اَمْرُووس ذِي طوع نَوْم، واخا ثوغا-ث س واكْرا، جِيما كَنِيو اذ نَدورم ذ تَواجار س زَرَض نَس. ¹⁰ اذ وُشغ اَراي اِنُو ذِي مان اَيَا، مِينزِي اَقَا ذ نَفاع اِ كَنِيو ماحنْد وار تَكْم واهَا مِين ثِيذام اذ تَكْم وُ مَزْرَم ذَك وُسَكُواس اِعْدون، ¹¹ ماشا عاوذ اذ ث ثَكْمَرم رَحُو، جِيما، اَم مامش ثوغا ذايوم مَزْرِي، اَمُو عاوذ اذ ث ثَكْمَرم علاَحْساب مِين اِ دِجان غاروم. ¹² ماشا مارا ذِين مَزْرِي، اَقَا-ث اِتواجب علاَحْساب مِين غارس، وار اِ دِجِي علاَحْساب مِين وار غارس اِ دِجِي. ¹³ مِينزِي وار اِتْرِيق جِيما اذ ذِين ثيرِي رَفْساسْت اِ اِنْضَنِي وُ خْنِي جِيما اذ خاوم سَضْقَرغ، ¹⁴ ماشا جِيما اذ بيرِي رَميزان ذِي رُوَقْت-ا وُشا اذ اِعْمَر وُفَيَض نَوْم رَغْبِن نَسْن وُشا اَفَيَض نَسْن اذ اِعْمَر رَغْبِن نَوْم جِيما

خنيّ اذ ييري رميزان. ¹⁵ اَم مامش ثورا ”وتّي اسمونن اطّاس، وار د اس اِشَطّ شا، ذ وتّي ثوغا اِبارون ذرّوس، وار ذابيس اِقيم رخصص.“
¹⁶ ماشا اَقاذي اِ اِربي وتّي اِكّين ذكّ وُر ن ثيُوس شضارث ذ اِشثن خاوم،
¹⁷ مينيزي، واخا ثوغا اِتواشجع زابي، اَقا يوسي-د غاروم زي شضارث نس تامقرانت.
¹⁸ وُشا نسكّ-د اَكيس ثاومث وتّي غار اِذجا وُوقار ذي رخبار اَصَبْحان ذي مارا
 ثيمسُمونين. ¹⁹ وار اِذجي ذكّا واهّا، ماشا ثيمسُمونين فارزنت نتّا عاوذ ذ اَمعاشار نغ
 ذكّ وِريذ اَك-ذ نثريمت-ا ن صّداقي ثئي اِتواسيوضن زانينغ اِ وُعودجي ن سيذي
 سيمانت نس وُ جيما اذ اِبان رخاضار نوم اِصَبْحن. ²⁰ اَمو اِ نسبَعذ خ ييخف نغ
 ماحنذ وار ذ انغ اِذدجم حد مارا نسيار رمغارث اِفيضن ن صّداقي-يا، ²¹ مينيزي مين
 ذ انغ اِشقان اذ اِعذو مليح، وار اِذجي واهّا قيباتش اِ سيذي ماشا عاوذ زاث اِ اِوذان.
²² نسكّ عاوذ اَكيدسن وُ مائنج، وتّي وُمي نقدجب شضارث نس اطّاس ن ثوراوين
 ذكّ واطّاس ن ثمسرايين وُشا رُخو اِتشطار كثار مينيزي نتّا اِتشار خاوم اطّاس. ²³ ما
 ثيُوس وتّي ذ اَمعاشار اِنو ذ اِخداَم اَكيزي غاروم نيغ ما اِثيمائنج، اَقا نيثني ذ اِمازان
 ن ثمسُمونين وُشا نيثني ذ اِعودجي ن لَمسيح. ²⁴ خنيّ سشَنم اَسن زاث اِ ثمسُمونين
 لُبورهان ن ثايري نوم ذ وُسمغار نغ ذايوم.

9 مينيزي حسبغ بلي نَهرا ما وُريغ اوم-د خ رخدمت ن ثويزا اِ اِمقداسن، ² مينيزي
 سَنغ نيث نوم اِصَبْحن ميخف خاوم اِ غا سَمغارغ جار اِنّي ن مابيدونيبا، بلي
 اِخايا ثوغا ثوجذ زكّ وُسكّواس اِعذون وُشا شضارث نوم اَقا سَنفاق اِزين اَمقران.
³ ماشا سَكغ-د اومائن-ا ماحنذ اَسْمغار نغ ذايوم وار اِيري شا باطر ذي ثمسراشث-ا،
 جيما اذ ثيريم ثحزَمم اَم مامش نيغ ⁴ ماحنذ نشين، ماحنذ وار ذايوم نَقار، خمي
 كيزي اِ د غا ياسن شان اِ مابيدونيين وُشا اذ كنيو اَفن عاذ وار ثحزَمم، وار
 نتواسحشيم وُمي نتكّ ذايوم وُسمغار وائيشا س اِشث ن تيقث اِبدن نيشان. ⁵ خ وُيني
 وُفيغ اِلا اِتحصّا اِبي اذ زيبارغ خ وَاومائش ني، ماحنذ اذ غارون-د اسن ذ اَمزوارو
 وُشا اذ سوجذن قبر لباراكان صّداقي نوم ثئي اِ زي ثوغا ثنواعدم قبر، جيما اذ ثيري
 صّدقث-ا غار وُفوس اَم اِشث ن لباراكا، وار اِذجي اِخمي ت-يد كسن زي ثرمشث
 نوم. ⁶ ماشا ذكّا قارغ ”وتّي اِ غا اِزارعن س ثشطارث عاوذ اذ اِمجار ثاشطارث وُشا
 وتّي اِ غا اِزارعن س ثشريمت، اذ اِمجار عاوذ س ثشريمت.“ ⁷ اذ اِكّ كور اِجن
 اَم مامش اِنوا ذكّ وُر نس، وار اِذجي س نَعنانت نيغ س وُغير، مينيزي اِربي اِتخس

وَتِي اِيتِيشَن س رِفْرَا ح 8 وُشَا اَرَّبِي اَقَا اِزْمَار اَذ اوم اِوَش نِيَعْمَت س وُفِيض، جِيما رِبْدَا وُ ذِي مَارَا اَذ غَارُوم يِيرِي مِين تُخْدَا جِم وُشَا اَذ ثَارِنِيم اَطَّاس ذِي مَارَا رَخْدَمَت اِصْبَحَن، 9 اَم مَامَش ثُورَا ”اَقَا اِبْطَا، اِوَشَا اِ اِمْرَا ض، ثَا سَكُنْدَا نَس ثَنَغِيْمَا اِ رِبْدَا.“ 10 اَج اَذ يِيرِي وَتِي اِيتِيشَن زَارِيَعْت اِ وَتِي اِزَارَعَن وُورَا اَذ اَغْرُوم اِ مَاشَا، اَذ يَارِنِي ذِي زَارِيَعْت نَوْم وُشَا اَذ اِسْكَمَا رَغِيْدَجْث ن ثَسْكُنْدَا نَوْم، 11 مَاحِنْدَا اَذ ثِيرِيم ثَجَارْم ذِي مَارَا اِ مَارَا ثَا شَرِيْمَت ثَنِّي اِ كَامَن زَايِنَغ اَقَا ذِي اِ اَرَّبِي. 12 مِيْنَزِي رَخْدَمَت ن ثَكَهَانَت ثَانِيْنَا وَا ر ثُدْجِي وَا هَا ذِي طَوْع ن مِين اِنْقَصَن اِ اِمْقَدَّاسَن، مَاشَا ثَنَاوِي عَاوْذ غَا ر وَا طَّاس ن وُقَا ذِي اِ اَرَّبِي، 13 مِيْنَزِي س ثَقْدَجْث ن رَخْدَمَت-ا، اَقَا سَمْغَارَان ذِي اَرَّبِي زِي سَيِّت ن طَاعْت نَوْم ذِي طَوْع ن شَهَاذْت نَوْم اِ رَخْبَار اَصْبَحَان ن لَمْسِيح وُورَا زِي سَيِّت ن ثَشْرِيْمَت ن ثَوِيْرَا نَوْم اِ نِيْشِي وُ اِ مَارَا 14 وُشَا اَذ خَاوْم زَا دَجَن اَم كَنِيو وَحْشَن خ سَيِّت ن نِيَعْمَت اِفَارَزَن ن اَرَّبِي ثَنِّي اِ ذَاوِيْم اِ دَجَان. 15 تَقَاذ اِس اِ اَرَّبِي خ ثَمُوشِي ن نِيَعْمَت نَس اِ وَا ر نَوْمَار اَذ زَايِس نَنْطِق.

اَذَا فَع ن بُولُوس خ تُسَخَارْت نَس

10 اِرْخُو نَش بُولُوس سِيْمَانَت اِنُو، زَاوُكْغ كَنِيو س ثَمُهِيْنَت ذ رَضْرَا فْت ن لَمْسِيح، نَش ذ وَتِي اِ دَجَان ذ اَمْدُرُور خَمِي حَضَارْغ، مَاشَا خَمِي اِ غَا غَا بِيغ اَقَا-يِي س ثَرِيَا سْت. 2 زَاوُكْغ كَنِيو، خَمِي كَنِيو اِ غَا حَضَارْغ، نَهْرَا مَّا اَذ اِرْبِيغ س ثَرِيَا سْت نِّي قِيْبَا تَشْرَن شَا اِنِّي اِحْسِن اَقَا نَشِيْن نُوِيُور اَخَمِي نَدْجَا ن وِيْسُوم. 3 مِيْنَزِي وَاخَا نَكُور ذَكْ وِيْسُوم ذِي دُونِث-ا، وَا ر نَتْمَنْغِي شَا عِلَا حَسَاب اِيْسُوم، 4 س مِيْنَزِي رَسْنَا ح ن وُْمَنْغِي نَغ وَا ر دَجِيْن زَكْ وِيْسُوم، مَاشَا ثَوَا سَجْهَدَن زِي اَرَّبِي اِ وَا ر دَدْجَن ن رَسْوَا ر، 5 جِيْمَا اَذ نَارِثَر اِ خَارِصَن ذ مَارَا رُوعْرَا اِ كَا عَدَن خ ثَمُوسْنَا ن اَرَّبِي وُشَا اَذ نَحْبَس مَارَا ثَا خَارِصْت اِ طَاعْت ن لَمْسِيح 6 وُشَا نَكَار مَاحِنْدَا اَذ نَنثَا قَم مَارَا رَمُوعْصِيْث خَمِي اِ غَا ثِيرِي طَاعْت نَوْم ثَكْمَر.

7 مَا ثَحْرَا رْم غَا ر ثَمْسِرَا يِن س وُذْم؟ مَارَا حِد اِ تِيْقْ ذَكْ يِيخْف نَس بَلِّي نَتَا ن لَمْسِيح، خَنِّي اَذ اِ خَارِص عَاوْذ سِيْمَانَت نَس، بَلِّي اَمَشْنَاو نَتَا ن لَمْسِيح اَمْتِي عَاوْذ نَشِيْن ن لَمْسِيح اِ نَدْجَا. 8 مَاعَلِيك نَش مَارَا سَمْغَا رْغ س شَوَا يْت ن وُفِيض كَنَار ذِي تَسْرِيح نَغ ثَنِّي اِ ذَا نَغ اِوَشَا اَرَّبِي اِ رِبْنِي، وَا ر اِ دْجِي اِ وَا ر دَدْجَن نَوْم، خَنِّي وَا ر تَصْضَحِيْغ شَا، 9 مَاشَا اِ تَخْصَا وَا ر ذ اوم اِ تَغْيِر شَا اَذ كَنِيو سِيْكُوْذْغ س ثَبْرَا يِن اِنُو. 10 مِيْنَزِي نِيْشِي قَا رَن ”ثِيْبِرَا يِن نَس قَسْحَنَت جَهْدَنَت، مَاشَا رَحَا ضَا ر نَبَاذْم س اَرِيْمَت اِ هِيْف وُشَا

اوارن نَس تواسحقران. “¹¹ بنادم اُمُو اَج اذ اِفکار، اَقا، اَم مامش ندچا نشین دکت
 واور س ثرائین مارا وار نحضار، اُمُو اِ ندچا س ثیذت خُحی اِ غا نحضار.
¹² مینزې وار نزعیم شا اذ نحسب نیغ اذ نسمقودا اِخف نغ اَک-ذ شا ن اِنی
 اِسْمغاران دکت اِخف نسن. اَقا نیشنی وار فهیمن شا بلی نیشنی عبارن اِخف نسن س
 یخف نسن وُشا سَمقودان اِخف نسن س یخف نسن. ¹³ ماشا نشین وار نسمغاری
 شا بارا اِ ربار، ماشا علاحساب ربارن وازای اِ ذ انغ اِوشا اَرَبی اَمشناو ربار،
 جیما اذ کنبو-د ناوز. ¹⁴ مینزې وار نتیکیویض شا اِخف نغ غار سنج ن طارف،
 اُحی وار غاروم-د نیویض، مینزې اَقا نیوض-د غاروم س رخبار اَصْبَحان ن لمسیح.
¹⁵ اَقا وار نسمغار شا اَم نکا سنج اِ ربار س رخدایم ن اِنضنی، ماشا نسشیم، وُمی
 اِمقار لایمان نوم، اذ نتواسع اَطاس زایوم ذی تاسیع نغ، ¹⁶ جیما خنی اذ نیارح س
 رخبار اَصْبَحان دکت اِموشان اَغیرین خاوم، اَم وار نسمغار شا ذی مین اِتواکن ذی
 تاسیع ن اِنضنی. ¹⁷ ماشا وی اِخسن اذ اِسْمغار، اذ اِسْمغار ذی سیدی، ¹⁸ س مینزې
 وار اِذجی وُتی اِوصان خ یخف نَس، ماشا وُتی خاس اِوصا اَرَبی، اَقا ذ وُتی اِتوافن
 ذ اَمقدچب.

بُولوس ذ اِمازانن اِسْخارَبِقن

11 ¹ ماعلیک اَکیدی ثکسیم شواپت ن تُوبُهریا، ماشا نیشان اَقا تُحمرم اَبی.
² مینزې شطارغ خاوم س اِشت ن شزارث ن اَرَبی، اَقا خضبع کنبو اِ اِج
 ن وریاز، جیما اذ کنبو سوجذغ اَم اِشت ن نغزارث تیزدیگ اِ لمسیح. ³ ماشا
 کُودغ، اَم مامش اَیفغار س نحرایمشت نَس تُوغا اِغکوا هاوا، اَمنی عاود اِ غا
 تُواغوان اِخاریصن نوم وُشا اذ توافن زی رصفاپت اِ اِدچان ذی لمسیح. ⁴ مینزې مارا
 یوسې-د حد اِتبارح س اِج ن یشو نضنی خ وُتی خ تبارحغ نش، نیغ مارا تُقبرم اِج
 ن اُروح نضنی وُتی وار تُقبرم شا، نیغ اِج ن رخبار اَصْبَحان نضنی وُتی وار تُطیفم
 شا، اذ ث ثکسیم دغیا. ⁵ نش حسبع اِخف اِنو دکت وُلو وار دجیغ قل اِ اِمازانن نِی
 اِمنغان اَطاس. ⁶ واخا وار زمارغ اِ واور، ماشا اِ ثموسنا زمارغ وُ مان اِبا اِبان اوم-د
 زې مارا اِغزدیسن وُ ذی مارا.

⁷ نیغ خضیغ وُمی تُوغا سواضع اِخف اِنو جیما خنی کنبو اذ تواسوعرام، اَم ذ اوم
 بارحغ س رخبار اَصْبَحان س نبرا؟ ⁸ اَقا کشضع ثمسومنین نضنی اَم خاسنت طَفغ
 نخریصت جیما اذ سَخارغ اِ کنبو. ⁹ وُشا وُمی تُوغا حضارغ اَکیدوم وُشا تُوغا ذایی

رخصص، وار بَسْرغِ وُرا خ حد، ماشا مین ذ ایی اِخَصن، عَمّارن ت واومائن اِئیی
 اِ د یوسین زی ماسیدُونییا وُشا حَضِیغ اِخف اِنو ذی مارا ماحنذ وار خاوم تَبَسْرغ
 وُشا اُمُو اَذ قِیْمغ حَضِیغ اِخف اِنو.¹⁰ نِیذت ن لَمَسِیح اَقّا-ت ذاییی، اَقّا اَسْمغارا- وار
 ذ ایی اِمنع ذی جوایح ن اَخایا.¹¹ مایمی؟ ما مینزی وار کَنیو تخسغ؟ اَرَبی اِسِن.
¹² ماشا مین تکغ نش، اَذ قِیْمغ تکغ ت خَنی، حِیما اَذ کَسغ تیري ن اِنی اِ اَرزُون
 لُورِصا، ماحنذ نِیئیی، ذی مین ذی سَمغاران، اَذ بانن اَمَشناو نَشین.¹³ مینزی دَکّا
 ذ اِمازانن اِسْخارِیقن ذ اِخداَمِن اِشْمائِن اِئیی اِتْکَن اِخف نَسِن اَخْمی ذ اِمازانن ن
 لَمَسِیح.¹⁴ وار اِذْجی ذ اَثْهت مینزی وُرا ذ شَیْطان اِتْگ اِخف نَس اَخْمی ذ لَمالاک
 ن نْفاوْث.¹⁵ اُمُو خَنی وار اِذْجی ذ ثامسراشْت ثامقْرانت، مارا عاوْذ اِمْسْخارن نَس
 تاراَن اِخف نَسن ذ اِمْسْخارن ن نَسْکَذا، اِنی ثانْکْاروْث نَسن اَذ تیري علاْحساب
 رَخْداِیم نَسِن.

اَوْدَب ن بُولُوس

¹⁶ قَارْغ اِ اُمُور نَضْیی، وُرا ذ اِجِن مّا اَذ اس اِتْغیر اَقّا-یی ذ اَبُوهاری. مارا وار اِذْجی
 اُمُو، قَرم اَبی اَمَشناو اَبُوهاری ماحنذ خَنی عاوْذ نش اَذ سَمغارغ شوایث دَکْ اِخف
 اِنو.¹⁷ مین سَوارْغ، وار ت قَارْغ زی سِیْذی، ماشا کِیغ ت س تُوْبُوهریا نْئیی ذ
 ذَساس ن وُسْمغار اِنو اِ ذی تِیغ.¹⁸ وُمی خَنی ذین اَطّاس اِنی اِسْمغاران علاْحساب
 اَیْشوم وُرا ذ نش اَذ سَمغارغ.¹⁹ مینزی کَنیو نَقْبرم مَلیح اِبُوهارین اَم تَدْچام ذ
 اِمِیغِیسِن.²⁰ اَقّا نَقْبرم مارا حد اِتارّا کَنیو ذ اِسْمغان، مارا حد اِتت اِ کَنیو، مارا حد
 اِتْکس اوم مین غاروم، مارا حد اِسوعرا اِخف نَس خاوم، مارا حد اِسْمدارضار کَنیو.
²¹ س رَعار قَارْغ، اَقّا نَشین تُوغا نَضْعف اَطّاس اِ ماناوْئیی. ماشا مارا حد اِزْعم، اَقّا
 نش سَوارْغ اَم وُبوهراری، عاوْذ نش زَعْمغ.²² ما نِیئیی ذ اِعیبرانِیین؟ وُرا ذ نش. ما
 نِیئیی ذ اِسرائِیلیین؟ وُرا ذ نش. ما نِیئیی ذ زَارِیعت ن اِبراهیم؟ وُرا ذ نش.²³ ما نِیئیی
 ذ اِمْسْخارن ن لَمَسِیح، نش عاذ ماهو، واخا نش سَوارْغ اَم وْئیی اِتْخرفن. کِسیغ
 ثامارا ماهو، شَیغ تِیئِیئا نْرا رَقِیاس، تُوغا-یی ذی رَحْبس اَطّاس ن اِمُورن وُشا زَرِیغ
 رَمُوْث اَطّاس ن تُواراوین.²⁴ وْئین اَبی وُذاین خَمْسا ن تُواراوین س وُرْکُوْض س
 اَرَبِیْن ن تِیئِیئا قَل اِشْت²⁵ وُشا تْرائان اِمُورن وْئین اَبی س وُکْشُوْض، اِشْت ن تُوارا
 حَجّارن اَبی، تْرائان ن تُواراوین یارز زَاِیی وُغاراَبو، دَجیرت ذ وُزیر ذ اَقْتوس تُوغا-یی
 ذی رَبُوغاز.²⁶ تُوغا-یی ذک وُپرِیذ اَطّاس ن تُواراوین، ذی لَخاطارن اِغْزْران، ذی

لخاطار ن اِسْفارن، ذِي لَخاطار ن يِّي ن رَكْس اِنُو، ذِي لَخاطار ن يِّي زِي رَكْنوس
 نَصْبِي، ذِي لَخاطار ن نَنْدِينت، ذِي لَخاطار ن رَحْرا، ذِي لَخاطار ن رِبْحار، ذِي
 لَخاطار ن جار اُومائِن اِسْحارِيَقِن،²⁷ ذِي رَحْدْمَت ذ ثامارا، ثُوغا-يِي ذِي دُچارِي
 نَبْرا اِضْص اَطاس ن ثُواروِين، ذِي راز ذ اُفادِي، اُشا اَطاس ن اِمورِن اِ زُوْمَع، ثُوغا-
 يِي ذِي ثَسْمُض ذ ثُوعارِينت²⁸ اُشا عاز وار سُوْرغ شا خ رَهْم ن كُور اَس، اَقا-ث
 ذ اَمْنوس اِنُو اِ مارا ثِمِسْمُونِين.²⁹ مارا حد اِضْعَف، ما وار تِيرِيغ اُرا ذ نش ضَعْفَع؟
 مارا اِثواسْحَيِق حد زِي شان ن اُنْدَرَف، ما نش وار شَمْضَع؟
³⁰ مارا اِثْخَصَّ اَذ اِثواسْمِغار، اَذ سَمْغارِغ ذِي ثُوَضْعَفْت اِنُو.³¹ اَرْبِي، ثاباباَث ن
 سِيذِيْتِغ يِشو لَمْسِيح، وني اِثوابارَكِن اِ رِبْدا قاع، اِسْن اَقا نش وار سْحارِيَقِغ شا.
³² رَحامِن ن اُجْدَجِيذ اَرِناس ذِي ذِيماشق اُوغا اِحْطاً ثانْدِينت ن اِذِيماشقِيِين، يارزُو
 اَذ اِيي اِطْف،³³ اُشا سَكْن اِيي-د زَك اِج ن رَكَازِي، سَهوان اِيي-د خ رَجِيض،
 اَرورغ زَك اِفاَسْن نَس.

رُوحِي ن بُولُوس

12 اِس صَاح اَسْمِغار وار ذ اِيي اِنْفَع شا، ماشا اَذ د اَسْغ س اِوْحان ذ
 اِسارَكابِن ن سِيذِي. اَقا سَنْغ اِج ن بِنادِم ذِي لَمْسِيح، ثُوغا اَرَبْعاش
 اِسْكُوسا زَك وامي، ما ثُوغا ذِي اَرِيْمَت نِيغ بارا اِ اَرِيْمَت، وار سِينْغ شا، اَرْبِي
 اِسْن، اُشا وائينا اِمَكْسِي غار اُوجنا ويس ثراثا. اُشا سَنْغ بَلِي بِنادِم نِي، ما ثُوغا
 ذِي اَرِيْمَت نِيغ بارا اِ اَرِيْمَت، وار سِينْغ شا، اَرْبِي اِسْن،⁴ اَقا اِمَكْسِي غار جَنْث
 ماني اِسرا اُوارن اِنِي وار اِزمار اَذ ثوانطِقِن، اِنِي وار اِحْدِچَرِن اِ بِنادِم اَذ ثن اِنطِق.
 ذِي وائينا اَذ سَمْغارِغ، وار سَمْغارِغ شا ذَك اِخْف اِنُو مُغِيْر ذِي ثُوَضْعَفْت اِنُو.
⁶ ماشا مارا خَسْغ اَذ سَمْغارِغ، وار تِيرِيغ ذ اَبُوهارِي، مِينْزِي اَذ اِنِيغ ثِيذت. خَنِي
 اَذ ث جَع جِيما اُرا ذ اِج وار خافي اِثْخاراص مامْس دَجِيغ، سَنْج مِين زايِي
 اِزرا نِيغ سَنْج مِين زايِي اِسرا⁷ جِيما وار ثنواسْكِيَعْدِغ شا زِي سَبِيْت ن طَبِيْعَت
 بُوغران ن اِسارَكابِن نِي، اِمُوش اِيي اِج ن اُسْتان ذَك وَيْسوم، اَقا-ث ذ لَمالاک
 ن شَيْطان اِ ذ اِيي اِشائِن س رُبُونِيْياَث ماحنْد وار تَسْكِيْعِذِغ شا اِخْف اِنُو.⁸ ثراثا
 ن ثُواروِين تارغ سِيذِي اَذ خافي ث اِسْكُوج.⁹ اُشا نْتا اِنَّا اِيي ”اَقا نِيْعْمَت اِنُو
 ثَشْفا، مِينْزِي جَهْد اِنُو اِثواكْمَر ذِي ثُوَضْعَفْت.“ خ وُيْنِي اَقا مَلِيح مارا سَمْغارِغ
 ذِي ثُوَضْعَفْت اِنُو، جِيما اَذ ذايي اِزْدِغ جَهْد ن لَمْسِيح.¹⁰ خ وُيْنِي اَرْضِيغ س

تُوضعفث، س نژوارث، ذی رغبن، ذک وُمارث، ذی ضیقات ذی طوع ن لمسیح، مینزې خمی ضعفغ، رخذئی نش جهذغ.

تاسخارث ن بولوس اِکُورینثینین

¹¹اَقَا ذورغ ذ اُبوهاری، کئیو ثحصارم اَبی غارس، مینزې تُوغا اِتخصص اِکئیو اذ ابي تَقدارم، مینزې وار ذجیع قل وُرا ذک اِشث ن رِحاجث زک اِمازان نې اِمغارن، وَاخا نش ذ والو. ¹²اَقَا تَواکثت جاروم مارا رِعراماث ن وُمازان، س مارا صبار، س رِعراماث، س لموعجیزات وُرا س رِعجایب. ¹³ما ذی مین ذی کئیو جیع غار ضفار خ تسموینین اِنضنی مَیغیر ذی مین ذی نش وار خام بَسرغ؟ سامحم اَبی خ وُخطو-یا!

¹⁴اَقَا ذا، رخو ذ ناوارا وِسَّ ثراثا اَقا-بې وِجذغ حیما اذ غاروم-د اسغ وُشا وار خام تَبسیرغ، مینزې وار اَرزوغ مین نوم، ماشا اَرزوغ خام کئیو. مینزې وار ذ تُوَسبې اِ اِحنجیرن اذ حَمَرن اِ لوالیدین نسن ماشا لوالیدین اِ اِحنجیرن نسن. ¹⁵وِجذغ س رفواحت اذ سبرغ اِحف اِنو وُشا اذ تواسبرغ ذی طوع ن رِعمار نوم. ما کورغ اذ طَفغ ذروس ن ثائزې مارا وُشیغ اوم ثائزې س واطاس؟ ¹⁶اوا امو، اَقَا وار خام بَسرغ، ماشا تُوغا-بې ذ اَقداش، طَفغ کئیو س ثحرايمشث. ¹⁷ما نش سثشفغ زایوم س شان اِج ن بَی تُوغا اِ غاروم-د سَکغ؟ ¹⁸تارغ تیتوس وُشا سَکغ-د اکیس ناوماث. ما یاربج تیتوس زایوم؟ ما وار تُوپور شا س اَرزوح ذ اِجَن ذ اِسوراف ذ اِجَن؟ ¹⁹ما اِنغیر اوم عاوذ بلی نشین نسرقا خ بَیخف تَغ زایوم؟ اَقَا قِیباتش اِ اَرَبی ذی لمسیح اِ نساوار وُشا مان ایا مارا، اِ اِمعیرن، خ سَیث ن رُبني نوم. ²⁰مینزې اَقَا کُودغ خمی اِ ذ غا اوضغ وار کئیو تیفغ شا اُم مامش خَسغ وُرا وار ذابې-د تیتفم شا اُم مامش ثخسم. بالاک اذ اِرین اِمَنغان، رَحسد، تافقاحت، اِمشوبشن، اَشقف، ناخبارجشث، نفاخت وُرا ذ اِخاروبضن، ²¹بالاک خمی اِ د غا یاسغ توارا نضنی، اَرَبی اذ اَبی اِسواضع وُشا کور اذ شَضغ خ واطاس ن بَی اِحضان، وار تُوین شا زې رَحمغ ذ تُوَقحیث ذ وُفوشح اِ کَین.

اَعرام اَنکارو

13 ¹اَقَا تا ذ ناوارا وِسَّ ثراثا اِ ذ غاروم-د تاسغ. س وُقموم ن ثناین نیغ ثراثا ن رَشهُود اذ تَواکس واور. تَبغ ت قبر وُشا نیغ ت قبر اَحْمبې تُوغا-بې اَکیدوم وِسَّ مارتین، وُشا رخو، وُمی غایغ، تارِیغ ت اِ بَی اِحضان قبر وُ اِ مارا اِنضنی،

بَلِّی، مارا وُسیغ-د ئاوارا نَضْنِی، وار اَرْحَمَغ شَا. ³خَنِّی ئارزُوم لِبُوْرهَان بَلِّی اَقَّا لَمَسِیْح
اِذ اِیْبِ اِسْاوَارن، وَنْی وار اِضْعِیْفن ذایوم، ماشا اَقَا-ث اِجْهَد ذایوم. ⁴مِیْنِزِی واخَا نَتَّا
اِنْوَاصلَب زِی ثُوْضَعْفَت، اَقَّا اِدَّار س جِّهْد ن اَرْبِی. مِیْنِزِی وُرا ذ نَشِیْن اَقَّا نَضْعَف
ذایس، ماشا اَذ کِیْس نَدَّار اِکَنْیو زِی جِّهْد ن اَرْبِی.

⁵قَدْجِم اِخْف نُوْم، ما اَقَّا کَنْیو ذِی لِایْمَان، اَرْزُوم اِخْف نُوْم. ما وار تَسْیِنَم شَا
زَك اِخْف نُوْم بَلِّی یَشُو لَمَسِیْح اَقَا-ث ذایوم، نِیغ اَقَّا کَنْیو وار نَتْوَاقَدْجِم شَا؟ ⁶ماشَا
سَیْیِیْمِغ اَذ تَسْیِنَم بَلِّی وار نَدْجِی وار نَتْوَاقَدْجِم. ⁷تَتَّارَغ اَرْبِی ماْحَنْد وار تَتَّکَم شَا
مِیْن اِدْچَان ذ اَعْفَان، وار اِدْجِی جِیْمَا نَشِیْن اَذ نَبَان ذ اِمَقْدْچَابِن، ماشا جِیْمَا اَذ
تَتَّکَم مِیْن اِدْچَان ذ اَصْبَحَان، واخَا نَشِیْن نَبَان اَخْمِی وار نَتْوَاقَدْجِم. ⁸مِیْنِزِی نَشِیْن
وار نَزْمَار وَاوْ ضِیْد اِئِیْدَت، ماشا اِئِیْدَت وَاه. ⁹مِیْنِزِی نَشِیْن نَفَارَح رَامِی نَضْعَف وُ
کَنْیو تَجْهَدَم. وُشَا نَزَادْچَا عَاوْذ اِ رِکْمَارْت نُوْم. ¹⁰خ وُیْنِی تَارِیغ اَوْم-د مان اِیا زِی
راکْوَاج، ماْحَنْد، خُمِی اِ غَا حَضْرَاغ، وار تَقْسِیْعِغ شَا عِلَاْحَسَاب صُوْلَطَا اِذ اِیْبِ
اِوْشَا اَرْبِی اِ رَنْبِی، وار اِدْجِی اِ وَاْرَدْجِ.

اَسْدَجِم اَنْکَارُو

¹¹اِغَار وُنْکَارُو، اِ اَوْمَاتْن، فَاْرْحَم، عَذْرَم اِخْف نُوْم، فَوْجَم خ اِخْف نُوْم، خَاْرَصَم
س اِج ن وُخَاْرَاَص، اِرِیْم ذِی رَهْنا وُشَا اَرْبِی ن ثَاِیْرِی ذ رَهْنا اَذ کِیَوْم پِیْرِی.
¹²سَدْجِم اِجْن خ وَنْضِیْنِ س وُسُوْذَم اِقْدَسْن. ¹³مَارَا اِمَقْدَّاسْن تَسْدْچَاْمِن خَاَوْم.
¹⁴تِیْعْمْت ن سِیْذِی یَشُو لَمَسِیْح ذ ثَاِیْرِی ن اَرْبِی ذ ثَمُوْنَت ن اَرْوَح اِقْدَسْن اَذ
اِرِیْن اَکِیْذُوْم مَارَا. اَمِیْن.